

Sakspapir

Saksbehandlar	Arkiv	ArkivsakID
Svein Helge Hofslundsengen	FE - 056, TI - &85	15/431

Saknr	Utval	Type	Dato
061/2015	Formannskapet	PS	09.06.2015
047/2015	Kommunestyret	PS	18.06.2015

IKT strategi 2015-2018

Vedlegg:

IKT Strategi 201

Rådmannen sitt framlegg til vedtak:

Felles IKT-strategi for Nordhordland 2015 – 2018 vert vedteken som Masfjorden kommune sin IKT-strategi for denne perioden.

Saksopplysningar:

Bakgrunn

Felles IKT-strategi 2015-2018 for kommunane i det interkommunale IKT-samarbeidet i Nordhordland vert med dette lagt fram for politisk handsaming.

IKT-strategien gjer greie for dei viktigaste prioriteringane, måla og satsingsområda for åra 2015 til 2018. Sjølv strategiane er på overordna nivå og skal følgjast opp av ein meir detaljert tiltaksplan. Tiltaksplanen skal seia noko om korleis strategien skal setjast ut i livet.

Visjonane frå tidlegare strategiperiodar vert vidareførte i visjonen for denne strategiperioden. Vi skal leggja til rette for felles tenesteyting og samarbeid om ressursbruk. Erfaring frå tidlegare strategiar har synt at det er naudsynt med politisk forankring av IKT-strategien.

Vurdering

Sidan IKT-samarbeidet i Nordhordland vart oppretta i 2011 har vi oppnådd mykje positivt. Sjølv om vi har kome ganske langt i arbeidet med å digitalisera forvaltninga er det likevel mykje som står att. Vi treng difor offensive målsetjingar og tilstrekkeleg med ressursar til å gjennomføra prosjekt, som på sikt fører til meir effektiv forvaltning og reduserte kostnader.

Måla i strategiframlegget byggjer på måla i digital agenda for Norge. Nokon vil synast dei er ambisiøse, medan andre kanskje meiner vi bør ta mål av oss til å koma endå lengre i perioden. Kommunane i IKT-samarbeidet er ulike og har i ulik grad ressursar til å utvikla og

gjennomføra den organisasjonsutviklinga IKT-utviklinga krev.

Strategien skal vera noko å strekkja seg etter, men samstundes må den vera realistisk. Vi meiner at det framleggset som no vert lagt fram til politisk forankring stettar desse krava. Strategien seier noko om at digital dialog skal vera hovudsatsinga vår. Dei områda som er nemnd i strategien skal ha særskild fokus, men det kan også jobbast med område som ikkje konkret er nemnd.

Høyring

Felles IKT-strategi 2015-2018 har vore på høyring i kommunane, og strateginemnd og rådmannsutvalet har handsama saka, og komme med tilråding overfor endeleg IKT strategi.

Fakta

Viser til vedlegg/IKT strategien

Felles IKT-strategi er eit godt grunnlag for å vidareutvikla kommune-organisasjonane og dei digitale løysingane vi i dag har. Det er eit stort potensiale i å utnytta betre dei systema vi har, samt implementera nye løysingar som ei vidareutvikling av dagens løysingar.

Mange ser på digital kommunikasjon som ein sjølvfølgje i dag, og kommunane må henga med i utviklinga. Men digital kommunikasjon byr også på utfordringar. Vi har eit stort ansvar for å sikra at dei løysingane vi nyttar, og dei rutinane vi etablerer, er trygge og sikrar både vern av sensitive personopplysningar, teieplikt og informasjonstryggleik. Vi må sikra arkivrutinar og trygg dokumenthandtering.

Sjølv om vi har eit IKT samarbeid som fungerer svært godt, er IKT-tryggleik den enkelte kommune sitt ansvar. Vi må sjølve syta for at vi har naudsynt kompetanse og gode nok rutinar på dette.

Felles IKT-strategi kan hjelpe oss å setja IKT-utvikling på dagsordenen, men jobben med å implementera dette i organisasjonane kviler på den enkelte kommune. Det at vi løftar saman gjer likevel at vi kan koma litt lenger enn om vi kvar for oss skulle hatt ansvar for å fornya og levera digitale tenester som gir innbyggjarar og næringsliv eit reelt digitalt førsteval.

Konklusjon

Felles IKT strategi for 2015-18 vert tilrådd vedteken slik den ligg føre, og som IKT strategi for kommunen i aktuelle tidsperiode.

Formannskapet - 061/2015

FS - behandling:

Ordførar Karstein Totland gjekk kort gjennom saka.

Råmann Svein Helge Hofslundsengen orinterte om saka.

Saka vart drøfta.

Røysting:

Framlegg til vedtak frå råmannen vert samrøystes tilrådd til kommunestyret.

FS - vedtak:

Felles IKT-strategi for Nordhordland 2015 – 2018 vert vedteken som Masfjorden kommune sin IKT-strategi for denne perioden.

Kommunestyret - 047/2015

KS - behandling:

Ordførar Karstein Totland gjekk kort gjennom saka.

Saka vart drøfta.

Røysting:

Formannskapen sitt framlegg til vedtak vart samrøystes vedteke.

KS - vedtak:

Felles IKT-strategi for Nordhordland 2015 – 2018 vert vedteken som Masfjorden kommune sin IKT-strategi for denne perioden.